

Omnipotenti, ut non omnis ferat omnia telus. Præter anseres cicures, & feles multos habent, quos incolæ pro diversitate generis, diversis nominibus insigniunt. Nulla hic urbs, nisi una in Continente (vulgo *Scallavobantis* dicta) exigua quidem, sed Castello munita & exornata, quo juris dicundi ergo, quoties occasio fert, undique ex omnibus Insulis hisce confluitur.

Æstate dies longissimi ad duos integros menses hic durant, magnaue est æris ut serenitas, ita & salubritas: hyeme vero ad totidem menses dies est brevissimus; ærque tum tempestuosissimus evadit, mareque contradictoriis æstibus agitaturn, terribilem in morem sævit, hominibusque in terra etiam stantibus horrorem non modicum ingerit.

Materies ignis illis est gleba ubique optima, & erica. Potus vulgi est serum lactis aliquot annos doliis infusum, subtus terram in cellis frigidioribus reconditum, unde fortissimum evadit, citoque inebrians; hoc potioris genus Blædium, seu Blanum vocant: opulentiores vero optimam & validissimam coquant domi cerevisiam, advenisque animo hilari & vultu bono eam propinant. Victus vero in genere Hethlandicis eadem, quæ Orcadenibus, nisi quod juxta copias domesticas paulo asperior.

Vestiuntur quidam ritu Germanico, sed ditiores Scotico, juxtaque facultates satis decore. Ex piscibus captis, partim sale conditis, partim vento siccatis & divenditis pecuniam comparant, unde vectigalia solvunt, domos in quibus habitent, supellectilem universam, ac magnam victus partem, id est, farinam & cerevisiam parant. In domestico instrumento elegantia & nitore student, argentum quibus est. Ipsos harum insularum incolas primos ex Germanis aut Danis vel Norvegis oriundos indicio est, quod mensuris, numeris ac pondere ad morem Germanicum utantur; Germanicusque aut vetus Gothicus sermo, qui apud illos in usu est. Ingenio sunt satis sagaci, omniumque artium ac disciplinarum (si illis addi-

scendis apponerentur) capaci. Quod ad mores Hethlandorum, quia multum ævi longinqua valet mutare vetustas, temporaque ut mutantur, ita & nos mutamur in illis, idem plane videre est, in vetustis & modernis harum Insularum Incolis, olim quidem rudibus, hodie vero elegantibus moribus præditis, per frequentem peregrinorum, maxime Scotorum in ipsis cohabitantium, conversationem. Religionis sunt omnes uti dicunt reformatæ, dempta una familia, Chynæa quæ nomine, quæ ante paucos annos eo immigravit. Devota & pia est plurimis ipsorum dispositio; Cædem & sanguinis effusionem, nisi maximopere irritentur, odio habent: quin & insolitis juramentis, imo quibuscumque crebrius usurpatis, religio est illis libenter uti, summamque inter se more fraterno amicitiam colunt, violatamque convivii mutuis redintegrant & constabiliunt. Ex æris & soli salubritate summa est illis corporis firmitudo; quæ tempore illustrissimi Roberti Stuarti, Jacobi quinti Scotorum Regis filio Notho & harum Insularum Comite, apparuit in quodam Laurentio de Gruinivo, qui post centesimum ætatis annum uxorem duxit: annumque centesimum quadragesimum agens, sævissimo mari in sua navicula piscatum prodibat, & bombardæ aves in aëre prætervolantes, aut in aquis natantes, certo ictu occidebat; nullaue vi gravioris morbi labe factatus, solo senio solutus decessit. Vnde nullus apud eos Medicus, immo nec Pharmacopæus; suis enim vulneribus, si quæ acceperint, ipsi medicantur.

Familia apud ipsos variæ sunt, inter quas tanquam capita eminent Bruffii, Sinclari, Moveri, Niveti, Chynæi. Ecclesiæ Pastores ex Scotia eo certis temporibus veniunt, & in doctrina Christiana tradenda, & disciplina Ecclesiastica severe exercenda in omnes delinquentes, sed maxime in obstinatos, diligenter sudant. Sitæ sunt hæ Insulæ inter gradum 60 & 61, & ab occidente æstivo in orientem hibernum exporriguntur.

Earundem Insularum alia descriptio.

Scotlandica
Insulæ.



N Oceano Septentrionali Insulæ sunt, *Islandia*, *Scetlandia*, *Groenlandia*. Sunt autem *Scetlandica* insulæ plures, quæ supra Orcades positæ propiores sunt Septentrioni, positæ in altitudine grad. 60 & 61. Ab Occidente Norvegiæ adspiciunt, continentem Europæ proximam. Exporriguntur ab Austro in Boream miliaribus Scotiis LIII, Germanicis XIX. Numerantur XXVI, cultæ & habitatæ, licet & *Scotia*.

plures aliæ sint capaces satis, verum alendis solummodo pecoribus, habitæ. Maxima omnium, *Mainlandia* in Tabula vocatur, in pluri-
mas peninsulas divisa & fracta, cui junguntur, *Vnsl*, *Via*, *Yell*, *Haskersu*, *Fetlar* five *Pheodor-Oy*, *Papa Stour*, *Havra*, *Burghu*, *S. Tronons-Yle*, *Moufa*, *Bressa*, *Noß*, *Linga melde*, *Whals-Oy*, *Skerries* &c. *Merces* maxime indigenis familiares, genus sunt panni vilis, quod peculiari gentis vocabulo *Woadmeil* vocant, quas cum Norvegiis, aliis mercibus, permutare solent. Etiam mercaturam

Nomina
earum.

Merces.